




www.BibleForChildren.org


उबजणाय कीताप 1




भगवान सुरुवात मे धरती अने
हरग ने बणायो।



ધરતી ઉબડ-ઝાબડ અને હુનહાન
હતી, અને ડંડલા પાણી પોર
અંદારલુ હતુ; અને ભગવાન ની
આત્મા પાણી પોર ફીરતી હતી।




जत्थार भगवान केदो, “वीजाळु हय,” ता वीजाळु हय ज्यु। अने
भगवान वीजाळु ने दाङो अने अंदारु ने रात केदो। अने हांतु हयु अळी
ह्वारे हयु। आहयी रीते पेलो दाङो हय ज्यो।



अळी भगवान केदो, “पाणी ना वच मे एक एवो फरक ह्ये के पाणी बे भाग ह्य जाय।” अने भगवान तीहया फरक ने हरग केदो। अने हांतु ह्यु अळी ह्वारे ह्यु। आहयी रीते बीजो दाडो ह्य ज्यो।



अळी भगवान केदो, “हरग ने हेटलु पाणी एक जागा मे एकठु हय जाय
अने हुकली जागा देखाव पड़े,” अने तेमेत हय ज्यु। भगवान हुकला
जागा ने धरती केदो, अने जे पाणी एकठु हयु तीने तीहयो दर्या केदो:
अने भगवान देख्यो के वारु से।



अळी भगवान केदो, “धरती सी लील्लो चारो, अने बीज वाळा
नाना-नाना झाड़, अने फोळ आपवा वाळा झाड़ बी जीमना बीज
तीमनी मे एक-एक नी जाती ना अनसारे से, धरती
पोर उगे,” अने तेमेत हय ज्यु। अने
हांतु हयु अने ह्वारे हयु। आहयी
रीते तीसरो दाड़ो हय ज्यो।




तत्पार भगवान बे मोट्ला वीजाळा बणायो; तीमनी मे सी मोट्ला
वीजाळा ने दाडा पोर राज करवा नी लेदे अने नान्ला वीजाळा
ने रात पोर राज करवा नी लेदे बणायो;
अने तारागण ने बी बणायो। अने हांतु ह्यु
अने ह्वारे ह्यु। आहयी रीते
चोवथो दाडो ह्य ज्यो।



अळी भगवान केदो, “पाणी जीवतूला
जीवु सी घणु भराय जाय, अने चडा
धरतीन उपर हरग नी वच मे उडे।”
अने हांतु ह्यु अळी ह्वारे ह्यु।
आह्यी रीते पांचवो
दाडो ह्य ज्यो।




अळी भगवान केदो, “धरती सी एक-एक जाती ना जीवतुला जीव,
मतलब घोर पाळन्या जानवरु, अने घीहायून चालन्या जीव-जन्तु,
अने धरती ना जंगली जानवरु, जाती-जाती ना अनसारे उबजे,” अने
तेमेत हय ज्यु।



अळी भगवान केदो, “आपणु माणेह जात ने आपणा सीका मे, आपणीन तेम बणावया; अने तीहया दर्या ना माछला पोर, अने हरग ना चडा पोर, अने घोर पाळन्या जानवरु पोर, अने आखी धरती पोर, अने धरती पोर घीहायून चालन्या जीव-जन्तु पोर, हक राखे।” ततयार भगवान जे कंय बणावलो हतो तीहयु आखु ने देखीन केदो, आहयु घणु वारु से। अने हांतु हयु अने ह्वारे हयु। आहयी रीते छटवो दाडो हय ज्यो।



ततयार यहोवा भगवान माणेह ने लीन अदन ना बगीचा मे मेल देदो,
के तीहयो तीनी मे काम करे अने तीनी रखवाळी करे।



अने यहोवा भगवान माणेह ने
आहयो हुकम आप्यो,
“तु बगीचा ना आखा झाड़
ना फोळ ने सण्का कर्या
वगर खाय सके, पण भला
नीता बुरा ग्यान नु जे झाड़
से तीनो फोळ तु नी खाजे;
काहाके जे दाड़े तु हीनो फोळ
खाही, ते दाड़े तु
पक्को मर जही।”



अने आदम आखी जाती ना घोर ना जानवरु, अने हरग ना चडा, अने
आखी जाती ना बणला जानवरु नु नाम पाड्यो; पण आदम जुगु कोय
ईसम मदत करवा वाळु नी जड्यु जे तीनी सी मेळ खाय सके।



ततयार यहोवा भगवान आदम ने भारी नींदर मे हुवाड़ देदो, अने
जतयार तीहयो हुय ज्यो ततयार तीहयो तीनी पाहळी नकाळीन तीनी
जागा पोर माह भर देदो। अने यहोवा भगवान तीहयी पाहळी ने जीने
आदम मे गेथी नीकाळ्ळी हती,
बयर बणाय देदो; अने तीने
आदम ने तां ली आयो।



एतरे माणेह आह्फा आहूय-बाह ने छोड़ीन
आह्फा नी लाडी हाते रहे, अने तीहया एकीत
डील बणीन रहे।



भगवान आहूयी कळी सी एतरो मोंग करूयो, के
तीना एक-खोळ्या बेटा ने आप देदो के, जे कोय
तीनी पोर भरहो करे, तीहयो बरबात नी हये,
पण अमर जीवाय हात करहे।



रोमीयो 3:23 काहाके आखान-आखा पाप करला से, अने आखान-आखा
भगवान नी बड़ाय सी बाकता ह्य ज्या।

रोमीयो 6:23 काहाके पाप नी दाड़की ते मोत से, पण भगवान नो फोकट्यो
वाटो आपणा मालीक ईसु मसी मे अमरकाय जीवाय से।

ईब्रानीयो 9:27 अने जीसम माणहु नी लेदे एक कावा मरवा अने तीनी
बाद नीयाव नु ह्यणु से जरुड़ी से।

ईफीसीयो 2:8,9 काहाके भरहा ना लारे दया सीत तमु बचला से, काहाके
तमारी लारे नी ह्यु, पण आह्यु भगवान नो ईलाम से,

अने आह्यु तमारा कामु नो फोळ नी ह्य, के कोय मोटाय करे।

रोमीयो 10:9,10 आनीन करते कदी तमु आपणा मोडा सी ईसु ने मालीक
करीन मान्ता ह्य अने मन मे आह्यो भरहो करता ह्य के भगवान तीने
मरला मे गेथो जीवतो करलो से ता तमने छुटकारो जड़हे।



काहाके भरहो मन सी कराय, जीनु फोळ से धारमीक्ता अने मानवा मोडा
सी ह्ये जीनु फोळ से छुटकारो।

युहन्ना 3:16,17 भगवान आह्यी कळी सी एतरो मोंग कर्यो, के तीना
एक-खोळ्या बेटा ने आप देदो के, जे कोय तीनी पोर भरहो करे, तीहयो
बरबात नी ह्ये, पण अमर जीवाय हात करहे।

भगवान आह्फा ना बेटा ने कळी मे आनी लेदे नी मोकल्यो, के कळी पोर
डंड नो हुकम आपे, पण आनी लेदे के कळी तीनी लारे बचे।

1 युहन्ना 5:11-13 अने तीह्यी गवाय आह्यी से, के भगवान आपणु ने
अमर जीवाय आपलो से: अने आह्यी जीवाय तीना सोरा ईसु मसी मे से।

जीनी पांह ईसु से, तीनी पांह जीवाय से; अने जीनी पांह भगवान नो सोरो
ईसु मसी नी ह्य तीनी पांह जीवाय बी नी ह्य।

मे तमारी जुगु, जे भगवान ना सोरा ना नाम पोर भरहो कर र्या, आनीन
करते लीख र्यो; के तमु जाण जावो, के अमर जीवाय तमारी से।



उबजणाय कीताप 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Paliya Bible (bpx) © The Word for the World International
and Yisu Por Bherho Karanya Paliya Mandli, Rajpur,
Barwani, MP, 2025

<https://www.bible.com/en-GB/bible/2779/MAT.1.PPT2025>

©2026 Bible for Children, Inc.

www.M1914.org

www.bibleforchildren.org

